



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Komisija za budžet

Broj:04-02-1-3695/12

Datum:20.12.2012. godine

- OPĆINSKOM VIJEĆU
- OPĆINSKOM NAČELNIKU

PREDMET: Mišljenje o Prijedlogu budžeta za 2013. godinu.

Komisija za budžet na sastanku održanom 20.12.2012. godine, na kome su prisustvovala tri člana komisije (odsutan predstavnik Stranke za BiH, Halilović Adil), razmotrila je Nacrt budžeta Općine Tešanj za 2013. godinu, te je konstatovano slijedeće:

- Jedna od najbitnijih značajki ovog budžeta jeste umanjene prihoda od PDV-a i kapitalnih grantova za slijedeću godinu, sa komentarom da je to nastalo zbog načina raspodjele koji uveliko djeluje na visinu prihoda koji pripadaju općini iako isti rastu na nivou države, te je zatraženo dodatno pojašnjenje.
(Pojašnjenje: Bez obzira na predviđeno povećanje ukupnog PDV-a na nivou BiH očekuje se umanjene prihoda koji pripada općinama u Federaciji BiH kako zbog promjene omjera u raspodjeli između entiteta, tako iz zbog enormnog rasta sredstava za servisiranje vanjskog duga Federacije BiH. Sredstva za servisiranje duga u 2012. godini su iznosila 278.656.561,00 KM, a za 2013. godinu se predviđa 496.330.165,00 KM. Kako je Ministarstvo finansija dalo instrukciju za raspodjelu sredstava tek po odbitku sredstava za servisiranje vanjskog duga sredstva za općine su umanjena sa 8,42% na 6,91% od pripadajućih sredstava za Federaciju BiH. Na taj način su općinski budžeti oštećeni za sredstva od blizu 42 miliona KM, što čini blizu 18% sredstava. Ovaj problem je istaknut u okviru rada Saveza općina i gradova Federacije BiH, putem kojeg će se tražiti izmjena instrukcije.
Zbog svega navedenog predviđa se pad prihoda od PDV-a koji pripadaju Općini Tešanj za 3,89% u odnosu na 2012. godinu.)
- Sredstva od priključnih taksi su znatno uvećana, što je dodatno obrazloženo naplatom zaostalih taksi korisnika vodovoda Pousorje i kanalizacije Raduša: Komisija podržava naplatu potraživanja kroz mehanizme JP Rad Tešanj, ali je zatraženo dodatno pojašnjenje kako je izvršena namjenska raspodjela ukupnih sredstava na rashodovnoj strani budžeta.
(Pojašnjenje: Utrošak sredstava je planiran na stavkama kapitalnog dijela budžeta i to kroz stavku „Vodosnabdijevanje - nove količine“ od 150.000,00 KM, potom kroz „Kapitalna ulaganja (sredstva budžeta, učešće mjesnih zajednica i GSM sredstava)“ od cca 50.000,00 KM, te „Izradu prostorno planske i druge projektne dokumentacije“ od cca 30.000,00 KM. Na ovaj način se ostvaruje i općinsko učešće u projektu koji finansira Fond za zaštitu okoliša za vodoistražne radove od 80.000,00 KM.)
- Načinjene su značajne uštede na utrošku električne energije za javnu rasvjetu, te se predlaže provođenje dodatnih aktivnosti na uštedama putem nabavke štednih sijalica na preostalim sijelovima mreže.
- Podržano je smanjenje rente za korištenje gradskog građevinskog zemljišta, čime je smanjena budžetska stavka, ali i opterećenje građana za blizu 35% u odnosu na raniji period.

- Zatraženo je da se istakne o kojem kapitalnom projektu Centra za kulturu je riječ, te je dato objašnjenje da se radi o planiranoj uređenju fasade na objektu Doma kulture.
- Komisija posebno podržava povećanje sredstava za razvoj poljoprivrede sa isticanjem važnosti izdvajanja istih za trenutno održavanje postojećih poljoprivrednih gazdinstava na teritoriji Tešnja, sa prijedlogom da se postojeći program dodatno unaprijedi za slijedeću godinu.

Komisija nakon sagledavanja pripremljenih dokumenata, predlaže da se Prijedlog Budžeta Općine Tešanj za 2013. godinu i Prijedlog Odluke o izvršavanju Budžeta Općine Tešanj za 2013. godinu uputi u proceduru usvajanja na 3. sjednici Općinskog vijeća.

Dostavljeno:

1. Općinsko vijeće,
2. Općinski načelnik,
3. Služba za finansije, privredu i inspekcije,
4. Arhiva.

PREDSJEDNIK KOMISIJE

Nedim Ahmetagić, dipl.oec.